

SANITÉ: La doturia Grete Mahlknecht é demez dai 16 (lönesc) ai 20 (vëndres) de dezèmbel y vëgn sostituida dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

Corona por l'interzesciun de siur Heinrich Videsott en dedolönesc, ai 18 de dezèmbel, dales 20.00, tl apartamënt y te dljia a La Val.

SAN MARTIN

I mituns y les mitans dala 4^a elementara ala 3^a mesana che jiss ion a fá i „Trèi Resc“ é bel peria da ti telefoné ala maestra Teresa Piazza 348 93 77 694. Le grup dl ann passé é bele gnü contaté, y la maiú pert vá indô. Bel dilan y präibel.

La Uniun di Èi inviëia düc i èi da 30 agn insö da lité le consèi nü dla uniun. Les zetoles da lité é da ciafé apé de dljia y é da dé jö cina ai 29 (domènia) de dezèmbel tla lada aposta apé de dljia.

Invit al Concert "Adincuntra a Nadé" tla dljia da San Martin en domènia, ai 22 de dezèmbel, dales 17.00. Al cianta y sona: i Turmbläser dla Musiga da San Martin, le trio "A per sorèdl", le quartet Vocant, le terzet Excitas, Eduard Huber y n valgügn scolars cun i orghi da man y le grup jonil Hosianna.

LUNGIARÜ

La Uniun di Èi da Lungiarü inviëia düc i èi a na picia festa da Nadé tl salf tl paisc incö do la gran Mëssa cun n referat tigní dal prof. Iaco Frontull.

Invit al concert d'Advënt cun le cor Kyrios, le cor Kerygma y i Turmbläser de Badia incö, dales 17.00, tla dljia de Badia.

La Ciasa de Palsa inviëia en dedolönesc, ai 17 de dezèmbel, dales 20.00, tl Barjënt, a na sèra cun Astrid Kofler, conosciüda por sü libri "Alles gut" y "Alles wird gut" de intervistes y dialogs cun porsones sura i 90 agn, che podess ince nes ester d'ejèmpl. La sèra, por todèsch, é daverta a düc. Düc é bel inviá.

Invit ala Reuniun generala dles Patrones dl Comun da San Martin de Tor en dedemesaledema, ai 18 de dezèmbel, dales 14.00 tl salf di stödafüch

La Scora de Musiga tègn n "Concert da Nadé" en dedemesaledema, ai 18 de dezèmbel, dales 17.30 tla dljia da Badia. Al cianta y sona les scolares y i scolars dla Scora de Musiga dla Val Badia. Düc é dër bel inviá da gní a ascuté sö les beles medodies y cianties che vëgn portades dant.

ProVoXis chir ciantarins, anfat sce tenor, bariton o bas! Y n dirighënt o na dirighënta, motivé/ada da insigné ite cianties nöies, mené la bachëta dales raprezentaziuns y fá pert dl bel grup de jogn y jones de döta la Val Badia. Sce te as interes, lascete aldí! Sön i social, por email (provoxis06@gmail.com) o diretamënter pro n mèmber dl cor.

I familiars dles porsones che complësc 80 agn tl 2025 é dër bel peria da le lascé al savèi por che so compliann pois gní publiché tla plata dla cöra telefonan a 348 27 44 517 o por e-mail anton.gasser@rolmail.net.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523194

15.12.24 - 22.12.24 n. 03

termo por comunicaziuns: jöbia, dales 20.00

3^a Domènia d'Advënt - C

Vangele do san Lüca 3,10-18

Te chël tēmp êl la jënt che damanâ Jan Batista: Cî dësson pa spo fà?
Al ti à respognü: Chël che à dui guanç, ti an dais un a chël che nen n' à degun, y chël che à da mangé, fejes ince insciö.
Al gnô ince publicans a se lascè batié y damanâ:
Maester, cî dësson pa nos fà? Al ti à dit:
No ghirede deplü co ch'al n' é scrit dant.
Ince soldas damanâ: Cî dësson pa nos fà?
Y al ti à dit: Ne stede a maltraté degügn, ne recatede degügn, acotentésse cun osc paiamënt! Le popul ê plëgn de aspetanza, y tl chît se damanâ düc, sce Jan ne n' è nia forsc instès le Messia. Mo Jan ti dê a düc la resposta: Iö ves batiëii cun ega.
Mo al nen vëgn un che é plü sterch co iö, y iö ne sun nia dëgn de ti dejciolè i cialzà.
Èl ves batiarà cun Spirit Sant y cun füch...



I publicans y i soldas che vá da Jan á domandes dër concretes che ti stá a cör. An á l'impresciun ch'al é porsones che ne sá nia döt, che n'á nia bele na súa minunga y na súa idea de döt, che n' é nia sigüdes ch'al é döt dërt y iüst ci ch'ares fej.
A chisc, che damana y chir cun sinzirité, ti dá Jan repostes dër concretes: partí quant y spëisa, ne maltraté degügn, ne ghiré nia demassa, s'acotenté.
La desponibilité da fá domandes sinzieres y da ti mète averda ales repostes, pó avèi la faziun da deslarié le cör, da ester bugn da ponsé a val' de nü y da ester ince arjigná da se comedé.

Image

EDEMA - C	SAN MARTIN	LUNGIARÜ	
15.12.24 3^a DOMËNIA D'ADVËNT - C Gaudete!	9.30 Corona por + Carlo Deiaco 10.00 Gran Mëssa por la Comunité Rorate por i Seniors Rorate por la Uniun dles Patrones 3a de sopoltöra + Carlo Dejaco ++ Bino y Tille Pedevilla vis y def. families Pescoller	7.50 Corona 8.15 Gran Mëssa por la Comunité Rorate por la Uniun dl KVV Rorate por la Uniun di Èi por les families de Renate Tatz por les families y ++ Marino y Maria Clara dl ann + Magdalena Clara <i>al sona i Turmbläser dla musiga</i>	<p style="text-align: center;">Ví, Signur Gejú! Confidènc aspetunse to avënt. Tö, che t'es da dagnora, es diventé n chistian sciöche nos. Sëgn te chësc tēmp aspetunse che te nes vëgnes adincuntra te tūa gloria, Gejú salvatur. Mantëgnesse te tūa grazia por le dé de to avënt.</p> <p style="text-align: center;">T'os abiné adöm düc i popui te to rēgn sant de verité y de vita, de grazia, de iustizia, de amur y de pesc. VÍ y abina adöm chi che ó contemplé to müs. I sperun en te, Signur Gejú.</p> <p style="text-align: center;">Dásse n cör ligher y lēde da döt le mal, ch'i sciafiunse da te gní adincuntra cun les löms impiades y che te pois nes urté muntri tl'oraziun y iubilanc tla lauda canche te vëgnes y te tlocores pro nosta porta. Spazete, no t'intardié, Signur Gejú.</p> <p style="text-align: center;">To avënt ti dais confort y speranza a chi che confida te to amur misericordius. No lascé ch'i se stanciunse da t'aspeté te nosta meseria, te nüsc dübi y te nosta malsigurté. Ví, Signur Gejú, y renforza nosta fede.</p> <p>Chësta é la ora: <i>Sëgn vëgnel fat o desfat</i> <i>sëgn vëgnel dit o desdit</i> <i>sëgn vëgnel aconsié o desconsié</i> <i>sëgn vëgnel consolé o lascé pité</i> <i>sëgn vëgnel pordejü o jomé</i> <i>sëgn vëgnel daidé o pisimé</i> <i>sëgn vëgnel laldé o coiené</i> <i>sëgn vëgnel fat fora o sburlé</i> <i>sëgn sozedel ci che é important</i> <i>por canche Èl vëgn.</i></p>
16.12.24 <i>Adele, Albina</i> Lönesc			
17.12.24 Dedolönesc <i>Iolanda, Isach, Franch</i>	19.00 Mëssa/Rorate + Sepl Trebo, Pension Tor + Mariangel Tavella ++ Siegfried Zingerle y Maria, dl ann		
18.12.24 Dedemesaledema <i>Alfea, Grazian</i>		7.30 Mëssa/Rorate por les families de Tini Clara por families de Sepl Pezzei, Camura vis y def. de fam. Wally y Pio Pescoller vis y def. de fam. Vinzenz y Annelies Clara <i>al sona n grup de clarinec y saxofons</i> dedô Confesciuns cun don Marco	
19.12.24 Jöbia <i>Noé, Susanna, Isidor</i>	8.00 Mëssa/Rorate di scolars + Sepl Flöss, d'Arzó +++ Giovanni, Maria y Pia Trebo + Hilda Siller Erlacher + Giovanni Pescoller		
20.12.24 <i>Heinrich, Regina</i> Vëndres	19.00 Funziun penitenziala		
21.12.24 Sabeda <i>Pire, Richard</i>	18.00 Confesciuns cun don Marco 18.30 Mëssa prefestia/Rorate Rorate por i Stödafüch Rorate por le KVV, Rorate por i Jogn fam. Carmen Erlacher + Alfred Zingerle <i>al cianta le Cor di Jogn</i>		
22.12.24 4^a DOMËNIA D'ADVËNT - C	9.30 Corona 10.00 Gran Mëssa por la Comunité Rorate por i colauradus dla Cöra a d'intenz. siur Heinrich Videsott vis y def. fam. Paul y Anna Planatscher animes arbandonades 17.00 Conzert "Adincuntra a Nadé"	7.50 Corona 8.15 Gran Mëssa por la Comunité por fam. Reinhold Sorà por fam. Albino y Annelies Schanung ++ Franz y Zilia, Pezzei, Ghestan ++ Katharina y Johann Tatz <i>al cianta le Cor Mosaic</i>	